

**ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՍԱՐԳՍՅԱՆԻ
ՇՆՈՐՀԱՎՈՐԱՆՔԸ ՀԱՆՐԱՊԵՏՈՒԹՅԱՆ ՏՈՒԻ
ԿԱՊԱԿՑՈՒԹՅԱՄԲ
28.05.2025**

<<Հարգելի՛ հայրենակիցներ,
Շնորհավորում եմ ձեզ մայիսի 28-ի՝ Հայաստանի Առաջին Հանրապետության օրվա
կապակցությամբ:
Մայիսի 28-ը մեր պատմության փառավոր էջերից է: Այս օրը՝ 1918 թվականին, ծնվեց Հայաստանի
Առաջին Հանրապետությունը՝ ազատության ու ինքնիշխանության համար մեր ժողովրդի
անսասան կամքի արդյունքը:
Չնայած իր կարճատև գոյությանը՝ Առաջին Հանրապետությունը հիմնեց այն արժեքները, որոնց
վրա այսօր կառուցվում է մեր անկախ պետականությունը՝ ժողովրդավարություն և
ինքնիշխանություն:
Առաջին Հանրապետության հիմնադիրներն իրենց անձնական նվիրվածությամբ և հերոսական
պայքարով մեզ փոխանցեցին անկախության, համախմբվածության և պայքարի ոգին: Նրանց
թողած ժառանգությունը շարունակվում է այսօր՝ մեր պետականության ամրապնդման,
խաղաղության և զարգացման ուղին հարթելով:
Այսօր, ապրելով արդեն անկախ Հանրապետության պայմաններում, մենք պարտավոր ենք
արժանապատվորեն շարունակել այդ սրբազան գործը՝ կերտել արդար, ուժեղ ու զարգացած
Հայաստան:
Մեր պետության ամրապնդման, անկախության պահպանման և ազգային իդեալների
իրագործման ճանապարհը անցնում է միասնական կամքի, քաղաքացիական գիտակցության և
նվիրվածության միջով:
Թող մայիսի 28-ը մեզ միավորի ոչ միայն որպես հիշողություն անցյալի մասին, այլ որպես
ապագայի կերտման կոչ՝ հիմնված մեր ազգային արժեհամակարգի, համախմբվածության և
նպատակալացության վրա:
Շնորհավոր տոնդ, Հայա՛ստան>>: